

Aruba tin su Gobierno nobo

Parlamentarionan a huramenta ayera atardi

ORANJESTAD (AAN) - Den un reunion (seccion) especial na Staten ayera tardi a ser trata e credencialnan di e 21 miembronan eligi pa Staten di Aruba.

Presidente di Staten Mr. Hector Gonzales a yama e miembronan nobo un bon bini na e seccion especial aki, y tambe e futuro ministronan Nelson Oduber y Elio Nicolaas cu tabata den tribune di honor.

Un comision pa controla e credencialnan a ser nombra, Felix Flanegien como Presidente, miembronan Benny Nisbet y Marco Christiaans.

E credencialnan di e 21 miembronan a ser controla debidamente y a sali na cla cu tin tres credencial cu falta informacion, cu ta Robertico Croes, Mirto Croes y Watty Vos.

Segun e Presidente di e Comision, Felix Flanegien e tres miembronan ariba menciona no tin informacion si nan ta "non active" y como tal a pidi Presidente di Staten pa facilita e comision mas informacion di e tres miembronan aki. E reunion a ser suspende pa busca e informacionnan aki.

A sali na cla cu e credencial di Robertico Croes ta na ordo, pero esnan di Mirto cu Watty no ta completamente na ordo. Un carta a ser presenta na Staten cu informacion di e dos



Ayera tardi e miembronan di Staten a huramenta dilanti di Su Excelencia Gobernador F.B. Tromp. E personanan cu a huramenta ta G. Bareño, E. Briessen, M.V. Christiaans, mr. A.G. Croes, H.M. Croes, H.R. Croes, R.R. Croes, M.A., mr. J.H.A. Eman, ir. R.G. Eman, A.W. Engelbrecht, F.B. Flanegien, mr. H.E. Gonzalez, R.R. Hernandez, R.S. Kock, C.A. Marquez, B.J.M. Nisbet, E.J. Vos, H.A. Werleman, H.S. Wernet y drs. C.A.S.D. Wever.

miembronan aki cu nan ta "non active".

Sr. Felix Flanegien a notifica Staten cu e carta cu e infor-

macion di e miembronan no ta registra y no tin number y como tal a pidi pa suspende e reunion pa e carta haya su number.

E carta a ser registra y a haya e number 2885. No tabata tin votacion pa cabez y asina e 21 miembronan a ser acepta.

Den oranan di atardi despues di 5or e 21 miembronan a huramenta na cas di Gobernador.

Boy Simon Director di Gabinete Plenipotenciario



ORANJESTAD (AAN) - Consejo di partido P.P.A. a tuma e decision pa Señor Gerald Boy Simon ser candidato pa Director di Gabinete y alavez Vice ministro Plenipotenciario na Den Haag Hulanda.

Den ejecucion di e programa di Gobernacion di Sabana

Blanco Sr. Boy Simon lo bay Hulanda pa encabeza e Gabinete.

Sr. Gerald (Boy) Simon tin casi 40 aña miembro di e partido oranje P.P.A., y abase di su experiencia politico, consejo di partido a presenta Sr. Simon como candidato cualifica pa e

trabao aki, segun Sr. Benny Nisbet Lider di P.P.A.

Boy Simon ta pensionado di Gobierno pa casi 4 aña y tabata traha na Departamento di Cultura Educacion.

Ariba tereno deportivo Boy ta miembro di Aruba Softball Bond y di cuerpo di umpire local y internacional.